

Бомдод намозини ўқиш вақти ҳақида | Ҳадис дарслари (278-дарс)

Ҳадис
ДАРСЛАРИ

278-ДАРС

Шайх Муҳаммад Содиқ Муҳаммад Юсуф роҳимаҳуллоҳнинг «Ҳадис ва ҳаёт» туркум китоби асосида бериб борилади. Мавзуларнинг тўлиқ матни билан танишиш учун китобнинг ўзига мурожаат қилиш тавсия этилади.



19:00 / 17 апрель 2020

هُنَعُ هَلْ لَّا يَضُرَّ زَرْبَ يَبَا نَع
هُلْ لَّا يَلَّصُ يَبْنَلَا نَاكَ لَلَاق
خَبُّصْ لَّا يَلَّصُ يَمَلَّسْ وَهَيْلَع
أَرْقِي وَهُسْ يَلَّجُ فِرْعَى أَنْ دَحْ أَوْ
يَلْ لَّا نِيَّتْ سَلَا نِي بَ أَمْ أَيْ ف
أَلْ إِيَّ سَمَّخْ لَّا هَاوْرَ إِهْئَامْ لَّا
بِنَنْ سَلَا بَاخْ صَالَوَ . يِ ذِمَّرْتْ لَّا

مَظْعَةُ نِيفِ رَجْفِ لَابِ اُورْفُوسَ اِ رَجْ اَلِ

Абу Барза розияллоҳу анҳудан ривоят қилинади:

«Набий соллаллоҳу алайҳи васаллам Бомдод намозини биздан биримиз ёнидаги одамни танийдиган ҳолда бўлганида ўқир эдилар. Унда олтмиш оятдан юз оятгача қироат қилар эдилар».

Бешовларидан фақат Термизий ривоят қилмаган.

«Сунан» эгалари қилган ривоятда у зот соллаллоҳу алайҳи васаллам:

«Бомдодни ёруғлик яхши тарқалганда ўқинг. Бас, ўшанинг ажри улуғдир», деганлар.

Шарҳ: Абу Барза розияллоҳу анҳунинг бу ривоятларини ўша вақт воқеълигидан келиб чиқиб тушуниш керак. У вақтларда масжидда чироқ бўлмаган. Шунинг учун Бомдод намозини ўқиш учун масжидда ўтириб, ёнидаги одамни таниб оладиган даражада тонг отиши ўлчов (белги) қилинмоқда.

Шу билан бирга, Бомдодни ўқишни жуда ортга суриб, қуёш чиқишига яқинлаштириб юбормаслик учун Пайғамбаримиз соллаллоҳу алайҳи васалламнинг намоздаги қироатлари олтмиш оятдан юз оятгача бўлганлиги ҳам зикр қилинмоқда. Пайғамбаримиз соллаллоҳу алайҳи васаллам шошилмай, дона-дона қилиб, ҳар оятнинг охирида тўхтаб, қироат қилар эдилар.

Сунан китоблари эгалари томонидан ривоят қилинган зиёдада эса Пайғамбаримиз соллаллоҳу алайҳи васаллам Бомдодни тонг яхши ёришганда ўқишнинг ажри улуғлигини таъкидламоқдалар.

Ҳанафий мазҳабида мана шу ривоятга амал қилинади. Шунинг учун аввал ўтган ҳадислардан бирини ўқиб олиб, дарҳол ҳанафийларни ҳақорат қилишга шошилмаслик керак. Шу билан бирга, бошқалар ўз мазҳаби бўйича олдинги вақтда ўқисалар, уларни ҳам хатода айбламаслик лозим.

«Ҳадис ва ҳаёт» китобининг 4-жузи асосида тайёрланди.

